

關

中

金

石

記

關中金石記卷第六

鎮洋畢沅撰

宋

孫永范純仁等題名

熙寧元年三月刻正書在慈恩寺

王竦題名

熙寧戊申三月刻行書在麟遊萬年宮碑額之陰

閻詢謁祠記

戊申重陽日刻正書

宋史詢傳詢知商州神宗初轉右諫議大夫改邠同二州提舉上清太平宮使此詢自署諫議大夫是從商州還朝道經於此留題耳

楊遂題名

熙寧庚戌七月刻正書並在華嶽廟

題云宋馬軍都使容州觀察使新環慶副都總管楊遂宋史本傳遂作燧云開封人累遷榮州團練使京城左箱巡檢英宗卽位以爲鄧州防禦使步軍都虞候歷環慶涇原鄜延二路副都總管至馬軍副都指揮使由容州觀察使拜寧遠軍節度殿前副都指揮使卒謚莊敏地理志容州屬廣南路

陳繹題名

熙寧三年九月刻行書

王臨題名

熙寧庚戌中冬刻行書並在渭南唐王忠嗣碑之陰

陳繹謁祠記

熙寧三年十二月刻正書

題云熙寧二年九月守彰化十一月移本路轉運副使制置  
解鹽使明年十一月移京東轉運使案宋史本傳釋字和叔  
開封人神宗立爲陝西轉運副使入直舍人院修起居注知  
制誥拜翰林學士以侍講學士知鄧州史不及爲京東轉運  
使者缺也

劉忱謁祠記

熙寧辛亥孟夏刻正書

忱卽議遣河東疆界者見宋史神宗本紀

呂大鈞謁祠記

熙寧四年五月刻正書並在華嶽廟

題內有大忠大鈞大臨大觀名范育呂大鈞墓表云考費比  
部郎中贈左諫議大夫六子五子相繼登科知名當世其季

賢而早死君其第三子也攷宋史呂大防傳云兄大忠弟大  
鈞故大鈞爲第三子文云費自京師□□安當是自京師至  
延安時大防知延州費至其住所也

范育等題名

熙寧四年六月刻正書在同州聖教序記之陰

育字損之范祥之子官終給事中戶部侍郎

張孝孫謁祠記

熙寧辛亥中元日刻正書

林頤題名

熙寧辛亥中冬刻正書

蔡延慶謁祠記

熙寧六年正月刻正書

云治平丁未夏領本路提點刑獄謁祠下後六年蒙恩除天  
章閣待制秦鳳等路都轉運使過祠下恭謁金天帝宋史本  
傳延慶齊從子字仲遠歷官福建路轉運副使提點京東陝  
西刑獄神宗初以集賢校理爲開府推官加直史館知河中  
府同修起居注直舍人院判流內銓拜天章閣待制秦鳳等  
路都轉運使

劉航等謁祠記

熙寧癸丑仲秋刻正書

蘇訥新雪記

熙寧癸丑仲冬刻王讌正書並在華嶽廟

宋史神宗本紀熙寧六年十一月丙寅大雪案是歲八月壬  
申朔此云仲冬十九日新雪當猶在丙寅之前也

吳中復題名

熙寧七年二月刻中復隸書在慈恩寺

陳紘謁祠記

熙寧七年二月刻正書在華嶽廟

趙抃皮公弼等題名

熙寧七年仲冬刻吳中復隸書在慈恩寺

王欽臣謁祠記

熙寧十年三月刻正書

欽臣王洙之子字仲至欽臣曾爲陝西轉運副使此云權發  
遣羣牧判官公事當在爲副使之前史不及之也

張叔卿謁祠記

熙寧十年三月刻正書並在華嶽廟

梵書唵字贊

熙寧丁巳八月立太宗御製贊沙門顯俊正書在咸寧臥龍寺

蔡確謁祠記

熙寧□□六月刻正書在華嶽廟

題云直集賢院溫陵蔡確以宋史本傳攷之確直集賢院正在其時故附於此

海公壽塔記

元豐改元九月立釋慧觀撰文王曠正書在咸寧

此刻香城寺地土牒碑後

俞次臯謁祠記

元豐元年十月刻次臯正書

題云出帥華池者知慶州也華池以熙寧四年改名合水此存舊稱

薛昌朝題名

元豐戊午中冬刻正書

孫迴謁祠記

元豐戊午口月刻迴正書並在華嶽廟

渾王廟記

元豐二年三月立馬唐民撰文郭仲益正書在宜川

廟在鳳翅山上在今縣之東南五里文云廟直丹州之東二里在兩崖間者唐舊治也舊誤爲閔王廟以閔渾聲近後左藏庫副使知丹州事高渙爲之改正唐民撰文以紀其事  
蔣之奇題名

元豐己未六月刻正書

題不署官職攷之奇于神宗初爲殿中侍御史因誣劾歐陽修貶監道州酒稅改監宣州是時正在退貶之時故不及之耳

蔡延慶再謁祠記

元豐己未夏刻正書並在華嶽廟

云自龍圖閣直學士涇原路經略使赴召者本傳延慶以應辦熙河軍須功進龍圖閣直學士王韶入朝攝熙帥不及爲涇原經略使者略也

封忠武王廟勅

元豐二年八月立前載中書門下牒後載加封勅側載中書劄子並郭仲益正書馬唐氏題額在宜川

內有右諫議大夫叅知政事蔡確也云渾王城生有助  
勞歿而英顯伏望朝廷特沛殊恩別加徽稱卽勅封爲忠武  
王攷城在唐時已諡忠武王此亦因其故封耳時高渙知丹  
州軍事以祈雨感應請于朝故有應期得雨潤深一赤云云  
赤與尺古字通碑後有崇寧元年九月王碩跋

天馬賦

元豐三年正月米芾行書在西安府學

此是明人以墨本鈎摹者後有魏應龍黃公望諸人跋

謁太史公冢祠記

元豐庚申季春刻王景修正書在韓城

王璞題名

元豐庚申初夏刻正書在麟遊唐九成宮碑之側

□□祠堂後記

元豐庚申立馬唐民撰文郭仲益正書在宜川

此碑相傳以爲渾瑊廟後記案其文云□□在三堡原唐高宗永徽辛亥遷于丹陽川之口昭宗景□刺史王公惜其德施於人而名晦不顯因訪舊得使君舊塋於西嶺構屋而祠之則非渾瑊矣史傳莫可攷證姑志之以俟知者

孫真人祠記

元豐四年六月立王蠻撰文後有金重刻刹記跋係大定九年七月米孝思撰文並正書在耀州五臺山

文云華原本京兆屬邑後建爲別郡曰耀共城之東有沮水水東二三里有山曰五臺爲孫真人舊隱之地案今沮水在州城之西是城亦非華原舊築矣五臺山本名風孔山長安

志云風孔山在華原縣東五里今山在城東猶二三里稽以  
道里以長安志爲是碑云在水東二三里者恐非也碑又云  
有昆明池龍胡僧利其實貨取去求救於真人真人因得其  
方書此事出酉陽雜俎云胡僧利其屬非寶貨也續仙傳云  
千金方以救龍子得之與此說異今千金方書前有真人自  
叙惟言集古方書知此說近誕用以博異聞焉可耳

集陶潛歸去來詞詩

元豐四年九月立蘇軾撰并行書在西安府學

劉陶謁祠記

元豐五年正月刻正書

趙諒謁祠記

元豐五年孟秋月刻正書並在華嶽廟

諒自署爲文思副使者武階也有文思使又有副使東染院  
使應轉洛苑使有戰功得轉文思使東染院副使應轉洛院  
副使有戰功得轉文思副使其叙遷之例如是

雙毛英行

元豐五年七月立陳叔度作子正舉隸書并跋在臨潼溫泉  
吳革等題名

元豐五年季秋日刻張觀正書在麟遊唐九成宮碑之側  
歐陽修昭仁寺跋尾

元豐五年十一月刻張淳正書在長武唐昭仁寺碑之陰  
謝薦材題名

元豐癸亥三月刻正書在朝邑僊蓋寺

蘇軾天和寺詩

元豐癸亥六月軾行書陳雄跋正書在扶風

薛紹彭題名

元豐六年六月刻正書

王顥謁祠記

元豐六年九月刻正書並在華嶽廟

張琰等題名

元豐癸亥仲冬刻陳琳正書在麟遊唐九成宮碑之側

陳康民謁祠記

元豐七年八月刻正書

王子文建醮記

元豐乙丑戊寅月刻正書並在華嶽廟

張琬等題名

元祐元年間三月刻正書在慈恩寺

蘇軾祭奠記

元祐元年十二月刻正書在華嶽廟

范口題名

元祐二年四月刻正書在慈恩寺

上清宮詞

元祐二年六月刻蘇軾作井行書在整屋縣學

王海有神降於整屋民張守真家守真爲道士卽所居柳北  
帝宮太宗嗣位真君降言有忠孝加福愛民治國之語詔于  
終南山下築宮凡二年宮成中有通明殿題曰上清太平宮  
祀神之夕上望拜宋史禮志太祖神御之殿鳳翔上清太平  
宮

薛紹彭題名

元祐□年□月刻正書在鄂縣唐定慧禪師碑之側

此應是元祐二年時與蘇軾等同遊鄂杜故題名於此

游師雄祭告記

元祐三年正月刻正書在華嶽廟

游玉華宮記

元祐三年四月立游師雄撰文並正書在宜君

杜純學家謁祠記

元祐戊辰閏四月刻男開奉命書在華嶽廟

題云轉運使濮陽杜純本傳云元祐元年范純仁韓維王存  
孫永交薦之除河北轉運判官歷徙陝西轉運使

游師雄仇伯玉等題名

元祐三年五月刻正書在同州聖教序記之陰

王漢卿題名

元祐三年八月刻正書在慈恩寺

呂義山等題名

元祐戊辰十二月刻行書在溫泉

李英公神道碑陰記

元祐四年二月刻游師雄撰文黎持正書

李衛公神道碑陰記

元祐四年二月刻游師雄撰文井正書

昭陵六馬圖并游師雄記

元祐四年端午日立刁玠正書賛蔡安時篆額並在醴泉

師雄記曰六馬像贊歐陽詢書高宗時勅殷仲容別題于石

坐歐書今不復見而仲容之字尚存如寫白蹄贊云平薛仁  
果時乘益知唐史誤以果爲杲攷吳縝新唐書舛繆亦有其  
說蓋果杲字形相近致誤也

刻李義山題渾忠武王祠堂詩

元祐四年重陽日刻游師雄跋并正書後有五年仇伯玉張

舜民題名

祠爲奉天令錢景逢建師雄跋云公有大恩於斯民宜乎百  
世血食然而廟貌闕如常與色半錢君語及君因圃亭葺爲  
祠堂旣圖公之像并刻李商隱詩以附焉今像不存

渾忠武王祠堂記

元祐五年清明日立幸育撰文安宜之正書并篆額並在乾

州

謁太史公祠記

元祐五年夏四月立邵籜題正書在蘚城芝山

是不著書人姓名字體瘦勁與漢師壁墓志略同應即邵書無疑邵字仲恭丹陽人嘗授筆法於蔡元祐又學其教以學沈傳師者文云元祐五年春不雨夏四月丁酉大雨委所在長安躬禱境內名山大川將以戊午有事于禹廟者宋紀是年二月辛丑罷修黃河癸卯禱雨獄龍沒京城潦丁未減天下罔罪杖以下釋之四月甲辰呂大防等求退不允丁巳詔還殿減膳諸所書皆以旱故也攷是年至五月始得雨紀于二月書禱雨皆瀆而是題四月猶有事禹廟則共往復遣官禱祭情事可知攷史是年正月丁卯朔二月有丁酉不言朔當是二日則辛丑爲六日癸卯爲八日丁未爲十二日也四

月丁酉應是三日甲辰爲十日丁巳則二十三日也史于三  
月亦著丙申朔合大小餘之例亦無誤

京兆府新移石經記

元祐五年九月立黎持換文安宣之正書篆額在西安府學  
轉遷使社孝錫題名

元祐庚午十月刻行書在鄆縣唐定慧禪師碑之側

孝錫卽杜純此以字行與前書名者異

九成宮六言詩

元祐五年十二月立游師雄作下有間上功跋正書

刻唐凌烟閣功臣畫像并贊

只存王珪魏徵李勣侯君集四人上有像贊並正書亦元祐  
五年游師雄所刻並在麟遊

摹吳道子觀音二像

元祐辛未仲夏刻下有呂由聖贊并跋並正書在西安布政使司屏

張保源游高驩潭記

元祐壬申刻正書

高驩潭卽高觀谷水所匯者也驩觀亦字通

劉銅等十人宿紫閣題名

元祐壬中秋社後一日刻正書並在鄆縣唐定慧禪師碑之

陰

重修邵陽縣學記

元祐癸酉正月立時彥撰文王寔正書并隸額在邵陽

時彥字邦美開封人官終吏部尚書史有傳

游師雄題名

元祐八年正月刻正書在華陰玉泉院

右在山蓀亭下字徑一尺五六寸景叔書莫大於此

坊州刺史盛南仲遊玉華宮記

元祐癸酉二月立王續正書在宜君

杜牧阿房宮賦

元祐八年六月安宜之正書後有游師雄記亦宜之書在西

安府學

游安民祈晴記

元祐癸酉仲秋刻正書在華嶽廟

王詵題名

元祐癸酉刻行書在慈恩寺

游師雄章案等題名

元祐甲戌中和節後一日刻正書在同州聖教序記之陰

趙光輔觀音變相畫壁跋

紹聖元年四月立游師雄作并正書在耀州

宣和畫譜光輔官大理評事善畫蕃馬時人稱趙評事蕃馬圖繪寶鑑光輔耀州人太宗朝爲畫院學士工畫佛道人物兼精蕃馬

王濟叔白耘叟題名

紹聖元年仲夏刻隸書在鄆縣唐定慧禪師碑之陰

昭陵圖并說

紹聖元年端午日立楊安繪游師雄撰文并正書在醴泉唐太宗廟

右圖太宗昭陵并附肅宗建陵在今縣北五十里陵寢記以爲在縣東三十里者唐縣也并附陪葬諸臣一百六十五人姓名攷新舊唐書唐會要及文獻通考所載互有不同唐書七十四人通攷百五十五人會要一百六十七人攷昭陵陪葬例子孫願從其祖父者聽如姜遐爲行本之子行本在陪葬諸臣之例遐得從其父葬又陸先妃葬于麟德中特請陪葬此皆在常例之外者故諸家互有不同也惟是當時各家皆有穹碑夾以蒼松翠柏巨槐長楊下宮寢殿與表裏山河共成形勢一時君臣際會之隆號稱極盛自朱梁盜發而後再歷千年金虎石麟淪沒榛莽不但基址荒蕪卽金石文字亦漸剝蝕無存余以乙未春季閱視涇陽龍洞渠道出醴泉瞻拜元宮周覽封域因飭地方官重加修葺並爲釐正疆界

建立碑亭庶使樵牧牛羊知所禁辟而遺微先烈得以垂誦

永久云

張重威昭仁寺碑陰記

紹聖元年七月刻正書

曹調鼎昭仁寺碑陰記

紹聖元年八月刻正書並在長武

胡宗回謁祠記

紹聖元年季秋刻正書在華嶽廟

朱史本傳宗回字醇夫官陝西轉運使吏部郎中紹聖初以直龍圖閣知桂林此題云自陝西轉運使被命移帥桂林與傳皆合

朱光裔王普題名

紹聖二年三月刻正書在鄖縣唐定慧禪師碑之陰

李行之題名

紹聖二年四月刻正書在扶風唐宏農先賢積慶碑後

游玉華宮記

紹聖二禦五月立錢景允撰文隸書在宜君

李章游艸堂寺詩并子百堅跋

紹聖二年九月立百堅正書

薛嗣昌詩

紹聖二年季秋月立正書並在鄖縣艸堂寺

嗣昌紹彭之弟

關山月關山雪詩

紹聖丙子宋構作並正書在隴州大佛寺

朝請郎柴公玉華寺詩

紹聖四年九月立胡授正書在宜君

游師雄墓志

紹聖四年十月立張舜民撰文邵纖正書在西安府學  
師雄橫渠弟子治平元年舉進士爲儀州司曹參軍自治平  
迄元祐二十餘年皆在邊帥幕府始因范忠宣薦韓魏公委  
督築熙寧寨糧餉後歷蔡挺韓絳劉庠趙禹諸幕而在禹幕  
最久元祐以後屢經遷轉十餘年始徙知陝州而公已歿矣  
神哲二宗知之未爲不深也而卒不得大用此議者所以有  
用不盡才之恨歟宋史西夏傳載秉常嗣國後二十年中凡  
屬戰守之事得失其見合此志攷之大略出之師雄者居多  
余集陝省金石目錄見留遺筆跡幾至廿種其才略風概瑰

偉卓犖宋世少其儔匹採錄之餘令人企慕久之

敕賜重興戒香寺公據

紹聖四年十月立僧文才正書在邵陽百里社

游玉華宮記

紹聖年月缺錢景廸撰文並正書在宜君

瞿伯宗題名

元符己卯三月刻正書在鄆縣

陳知存謁祠記

元符己卯季春刻正書在華嶽廟

王正臣李授題名

元符己卯仲夏刻正書在鄆縣

白雲山主得利塔記

元符二年十月立趙宗輔撰文僧道雅正書并題額在高陵  
文云師初居鄴縣白雲山淨居禪院後居縣之隆昌寺淨居  
在白雲山下唐舊寺也隆昌寺在毘沙鎮金史地理志云縣  
有毘沙鎮者是也寺爲宋太宗賜額宗輔鎔之子官至西京  
左藏庫副使

李授蘇軾等題名

元符三年二月刻隸書

修鳩摩羅什塔亭記

元符三年六月立甯祖武撰文隸書無姓名並在鄴縣

程慤叔遇雪詩

元符三年十月刻正書在臨漳溫泉

李莘等題名

建中靖國元年三月刻正書

路允蹈宿逍遙寺記

建中靖國改元四月正書刻定慧禪師碑之陰

孫竦孫瑛等題名

建中靖國元年五月刻正書並在鄖縣

張景修等題名

崇寧元年二月刻正書在同州聖教序記之陰

梅澤過艸堂望終南山經樊川懷杜牧之行役述懷諸詩

崇寧改元三月刻崔珙正書在鄖縣艸堂寺

淨相寺橙軒詩

崇寧壬午九月刻彭廸明作正書在興平

王碩題忠武王廟碑記

崇寧改元九月立正書在宜川元豐二年勅封忠武王記之  
上方

靜應廟記

崇寧二年三月立王允中撰文東長孺正書并題額在五臺  
山

廟於唐爲靜明寺是時勅賜靜應廟額爲孫真人祠

終南山雜咏

崇寧二年六月刻李駒作崔珙行書在鄆縣艸堂寺

靜應廟勅并封妙應真人告詞

崇寧二年八月立王瑟正書并題額在五臺山

中有中書侍郎趙挺之又有尚書左僕射兼門下侍郎京蔡  
京也門下侍郎將許將也尚書右丞居厚吳居厚也吏部尚

書執中何執中也吏部侍郎洵仁猶洵仁也

重修縣學記

崇寧二年立蘇時撰文謝口正書口敏篆額在褒城  
鮮于侁游靈巖詩

號年缺隸書在略陽

朱侁又有游靈巖詩序云崇寧三年秋行部與太守某等游  
此云云則此爲崇寧三年作也侁字子駿閩中人官將集賢  
修撰知陳州

乾陵無字碑題字

崇寧癸未季冬刻王正叔正書在乾州

唐達樓禪寺詩

崇寧甲申冬至前二月刻正書在鄧縣

□擇仁謁祠記

崇寧四年五月刻分書在華嶽廟

景祐寺題名

崇寧四年仲秋刻正書在鄆縣定慧禪師碑之陰

濟安寺鑄款

崇寧四年十月造正書在朝邑

寺故址在渭水濱元至正元年沒于渭明改建于王林村款  
云同州朝邑縣魯苑鄉金史有鎮名四而無魯苑之名亦可  
以補地志之缺

五臺山唱和詩

崇寧四年十二月立于吳王允中尚佐均王需張鮑張介夫  
高鈞何貴等作正書并題額在耀州

前有吳上允中啟云拜呈知府屯田攷宋制諸府州縣皆以京朝幕等官攝之故有以某官知某府事知某州事知某縣事之稱或不帶京朝幕官等銜亦云某府知府某州知州某縣知縣至明則竟改稱知府知州知縣近人作碑刻有用宋時舊例云知某府事等稱者亦始於明世有意好古之徒通人所無有也

建安黃公詩

崇寧丙戌三月立東長孺正書有跋在咸陽縣署

黃公不詳其名

王仲孚題名

崇寧丙戌孟秋刻篆書在鄆縣定慧禪寺碑之陰

張舜民等題名

崇寧丙戌重九日刻正書在慈恩寺

長興萬壽寺文殊閣圖并記

大觀元年七月立爾朱權撰文楊時中正書在同州

大觀聖作之碑

大觀二年四月立徽宗行書蔡京題額李時雍摹寫在興平縣學

此刻隋賀若弼碑之陰京以大觀元年五月爲尚書左僕射兼門下侍郎二年正月進太師碑題太師尚書左僕射與史傳合

傳合

御製學校八行八刑條

大觀二年十月奉御筆建行書

八行者善父母爲孝善兄弟爲弟善內親爲睦善外親爲姻

信于朋友爲任仁于州里爲恤知君臣之義爲忠辨義利之分爲和也孝弟忠和爲上睦姻爲中任恤爲下士有全備八行者貢入太學爲太學上舍全備上四行或不全一行而兼中等二行爲州縣上舍上等之選不全上二行而兼中二行爲上舍中等之選不全上三行而兼中一行或兼下行爲上舍下等之選反之者加以八刑有犯不忠不孝不弟不和終身不齒不得入學不睦十年不姻八年不任五年不恤三年有能改過自新不犯罪而有三行之實聽入學在監一年又不犯第三等罪聽齒于諸生之列其例如此

修蓋獄祠記

大觀己丑季春刻正書在華獄廟

薛絅題名

己丑歲中元日刻正書

此刻定慧禪師碑之側云河東薛絅遊諸山獲觀先公題字  
則絅爲紹彭之子此題稍已磨泐前有後二十二年字樣元  
祐後二十二年當己丑應是大觀三年故置於此

孫鼇詩

大觀己丑九月刻正書並在鄖縣艸堂寺

梁慶祖謁祠記

大觀四年九月刻行書

李傳謁祠記

大觀四年十月刻正書並在華嶽廟

過臨潼三絕句

大觀四年十二月刻李挺作子熙民正書并跋在臨潼溫泉

乾陵無字碑題字

政和元年天祺節後一日刻范致明正書在乾州

徐處仁等題名

政和改元孟夏刻正書在慈恩寺

處仁字擇之時以資政殿學士出知永興軍與史傳合

提舉魯公畱題遠愛亭詩

辛卯八年刻魯百能作正書在扶風

辛卯當是政和元年

張智周等題名

政和改元孟冬刻正書在同州聖教序記之陰

張智周題名

政和元年十月刻正書在鄆縣紳堂寺

張智周題名

正書在慈恩寺

右無號年故附置於此

勅修河濱靈源王廟碑

政和二年正月立陳振撰文王必正書并篆額在韓城東王

村

文稱河自大觀以來變濁爲清者三乾寧保平率以累日惟  
二年冬見於同州之韓城郃陽其袤百里其久彌月攷徽宗  
本紀自大觀至政和凡三書河清並在同州惟大觀三年兼  
有陝州保平軍即陝州也又于二年云以乾寧軍爲滑州改  
乾寧爲滑應即以河清之故而史不及之疑是略矣河自三  
代以來皆有崇祀故公羊傳以太山河海爲三望望者謂不

能親詣所在就其近郊祭之之義也其置祠實自秦始史記  
封禪書云河祠臨晉漢志云臨晉故大荔秦襲之更名有河  
水祠今同州府朝邑縣是其地蓋昭王作河橋於此卽因而  
祭之耳郊祀志高祖置祠祀官女巫令河巫祠河於臨晉又  
宣帝詔五嶽四瀆皆有常禮河於臨晉使者持節侍祠歲五  
祠太平寰宇記西魏文帝大統十三年于漢祠更加營造周  
武帝天和四年太宰宇文護于祠西建碑一所靈帝大象元  
年江淮濟各從本所祠惟河一祠依舊不改每歲發使致璧  
加牲以祠焉文獻通考唐武德貞觀四瀆年別一祭祭西瀆  
大河于同州歷代相傳並因而不改至明皇開元十五年始  
以有司言改祠于河中府在今山西之榮河縣而同州之祠  
廢矣攷唐自明皇以後嶽瀆之制互有輕重然猶封河神爲

靈源公真宗封禪進號爲顯聖靈源公仁宗康定封爲靈源  
王金章宗明昌爲顯聖靈源王元太祖至元爲靈源宏濟王  
順帝至元爲靈源神佑宏濟王明則革去前號改稱西瀆大  
河之神亦並存河中府之舊此唐以前宋以後祠祀異地之  
大神也攷唐王延昌撰廟碑云安祿山反其將崔乾祐守蒲  
坂時郭子儀軍潰汭與之相持子儀夢神告曰永豐倉側將  
有急變姑以遷之比軍退賊騎雲集子儀賴以獲全後請于  
朝而修祠此猶是同州之舊其建于韓城者乃當時別祠如  
宋時檀州河南亦得置河廟者是也文所云詔遣尚書郎張  
勑致祭旣抵其野訪故祠得破屋一區傾圯殆甚還請修建  
詔可之此宋世修建之事念陝省爲全河之襟帶而祀典闕  
如今雖不能復臨晉之故而韓城舊址不應委棄擇蕪過而

弗問此守土之責也余將請於

朝鼎新廟貌修復祀典以妥神庥而慶安瀾焉

席旦謁祠記

政和壬辰二月刻正書在華嶽廟

宋史本傳旦以顯謨閣直學士知成都府徙鄭州黜知潁州  
復知成都府徙永興軍後加述古殿直學士命復知成都府  
未赴卒此題云再守成都史不詳時月則據碑可攷

李逸老自百塔遊翠微諸勝題名

政和壬辰上巳後一日刻正書在鄆縣定慧禪師碑之陰

謝□謁祠記

政和壬辰三月刻正書

宋達謁祠記

政和二年重五日刻正書並在華嶽廟

呂湘題名

政和二年六月刻正書在鄆縣定慧禪師碑之陰

楊可世謁祠記

政和四年二月刻□贊正書

可世卽與郭藥師高世宣襲燕者又有可韓可昇可輔可弼  
可晟當並爲可世之弟俱鄆陽人書字人不著姓

張子定謁祠記

政和四年二月刻行書並在華嶽廟

司馬朴等題名

政和四年四月刻行書在慈恩寺

朴字文季范純仁之甥也後畱于金

遊驪山詩

政和四年七月刻孫漸作正書在臨潼溫泉

乾陵無字碑題字二

一政和甲午仲秋刻一十月刻並宋孝先正書在乾州

宋雲從謁祠記

政和甲午刻正書在華嶽廟

重建周西明寺圓測法師碑

政和五年四月立宋復撰文并正書在咸寧興教寺

王干謁祠記

政和乙未仲冬刻正書在華嶽廟

寶淵題名

政和乙未刻正書在鄆縣定慧禪師碑之陰

詩彙

政和丙申三月刻行書在臨潼溫泉

重修薦福寺塔記

政和六年五月立李摯撰文正書篆額無姓名在咸寧薦福寺

蘇軾老題名

政和丙申七月刻行書在慈恩寺

光濟寺碑

政和丙申歲八月立張鑑撰文僧洪祐正書篆額無姓名在

鄆陽

折武恭公克行神道

號年缺毛友撰文字文虛中正書在府谷孤山堡南

文云武恭公既葬八年其子可求請立隧道之碑克行以大  
觀二年卒既葬八年當是政和六年也可求降金者故克行  
本傳不及其名

折氏世系

嗣祚五從阮不德辰周御勳太

代時麟名從遠承安軍寧軍節

州刺史達漢高節度使度使

更作嗣祖名改宋乾德

倫

漢爲永二年卒  
安武勝贈侍中

軍節度

使周爲

宣義保

義靜難

三鎮贈

中書令

德愿

御卿永惟正洛

安軍節苑使知

度使贈府州事

太師燕

國公

惟昌興

州刺史

惟忠簡繼宣左

州團練監門衛  
使贈崇將軍楚  
信軍節州都監  
度使

繼閔宮廣孝

苑使果

州團練

使廊府

路駐泊

兵馬鈴

轄贈太

尉

克柔史 並稱繼 祖兄子	可求康 州刺史 知府州 歸金	克行叡可大榮 州觀察州團練 使贈武使知府 安軍節州 度使

碑稱爲

克行之

兄

繼祖成  
州團練

使

繼世忠克慤

州刺史

果州團練

使

惟信惟

忠之兄

碑叙次克行家世官爵大略與史並合惟御卿贈太師燕國公惟忠贈崇信軍節度使史不及之耳世以此碑爲折太君碑攷折太君德辰之女楊業之妻也墓在保德州折窩村非此也金史張奕傳云天眷三年夏人侵界詔奕往征還奏曰折氏世守麟府以抗夏人本朝有其地遂以與夏夏夷折氏墳隴而戮其屍折氏怨入骨髓而不得報今復守晉寧故激怒夏人欲開邊釁以雪私讐朝廷遂移折氏守青州據此則折氏之祖墳在府州者多爲夏人所夷今此及嗣祚兩墳翠石嵬然歷千年而不泯當是折氏世篤忠貞之報今因以五代宋書三史及碑叙其世系綏古者庶有所攷焉

折武恭公神道碑之陰

陰並列所統各寨主姓名史稱折氏自從阮於唐莊宗時起

家府州至宋高宗建炎二年可求以地降金凡七世父子兄弟相繼扞衛邊境者歷二百餘年而嗣祚碑有自武德中詔府谷鎮遏使之語遏使者唐鎮官名是折起于唐初迄于宋金之際也幾歷五百餘年簪纓不替其勳業彪炳史冊卓絕千古覩此碑陰益見其控禦邊陲鈴轎蕃漢之遺制焉

趙伾謁祠記

政和丁酉孟冬刻正書在華嶽廟

寶雲寺石碣

政和八年閏正月立上官革命吏題正書在隴州

乾陵無字碑題字

政和戊戌孟夏刻暨唐裔正書在乾州

崇祐觀牒

政和八年九月立行書在朝邑東嶽廟

後題云通議大夫守左丞王抑者王黼也起復少傅太宰抑者鄭居中也居中以六年爲少保太宰七年八月以母憂去十一月起復八年進少傅少宰少保抑者余深也深以七年十一月爲特進少宰八年七月爲少保太師魯國公不抑者蔡京也以本紀列傳攷之皆合

圓相觀音菩薩瑞像頌

政和八年孟冬立僧彥泯作頌麻應神作跋仇章正書在扶風法門寺

石上作像頌跋並書其下像爲無爲子楊傑所傳

提舉顯謨湯公和胡仲文詩

正書在隴州大佛寺

此不著號年碑後有權汧源縣尉高慥主簿張正功立石字  
樣攷寶雲寺石碣後亦有尉高慥名當是一時之作因附於  
此

乾陵無字碑題字

宣和改元仲春刻李士觀正書在乾州

暨尹卿等題名

宜和辛丑清明前二日刻行書在同州聖教序記之陰

登太清閣詩

宜和三年四月刻宋口作行書在高陵

向子千題名

宜和辛丑孟夏刻正書在臨潼溫泉

邵子文等題名

宣和辛丑夏五月刻王正叔行書在慈恩寺

子文名伯溫康節之子伯溫以大觀時監華州西嶽廟後除  
知興元府不赴擢提點成都路刑獄石卽其時所題也

暨唐裔清輝閣題記

宣和辛丑七月立行書在韓城北寺

梁鼇謁祠記

宣和辛丑九月刻正書

梁激謁祠記

宣和辛丑重九後二日刻行書並在華嶽廟

黎獻民等題名

宣和辛□刻正書在慈恩寺

王雲等題名

宣和四年春刻行書在西安府學唐大智禪詩碑之陰

暨唐裔等題名

宣和壬寅上巳後三日刻行書在同州聖教序記之陰

范智聞詩

宣和四年八月刻行書在慈恩寺

乾陵無字碑詩

宣和五年三月刻宋京作正書

乾陵無字碑詩

宣和五年仲夏刻張子剛正書並在乾州

宋光泰題名

宣和五年十一月刻行書在慈恩寺

乾陵無字碑題字

宣和癸卯刻劉錫正書在乾州

賈炎饒益寺題名二

一政和三年五月一政和五年六月并行書炎工公餘于宣  
和六年四月刻在朝邑

先題云顯謨閣待制提舉南京鴻慶宮賈炎政和三年五月  
蒙恩寵延帥奉母歸居潁昌後題云炎白郎延帥移守南陽  
侍親道饒益寺顯謨閣待制新知鄧州兼京南路安撫使賈  
炎題攷宋史炎昌朝之子歷官工部侍郎政和中以顯謨閣  
待制知應天府徙知延安求內郡以養母乃命爲潁州未行  
復畱改河陽又改鄧州加直學士知永興入對畱爲工部侍  
郎卒贈銀青光祿大夫前後奉母過饒益寺者始則由延帥  
之潁州再則由河陽改鄧州也傳文叙次不甚明白不如碑

之詳著也又公傑題此云先考成正公畱題傳亦不及其溢  
其缺略如此南京卽應天府唐之宋州也鴻慶宮太祖神御

殿名

解益王佐邵伯溫題名

宣和六年七月刻隸書在鄆縣定慧禪師碑之側

浦溪真常游記

宣和甲辰夏刻正書在慈恩寺

碑不題姓名疑黃冠者流也

于真庵記

號年缺徽宗御製任諒集歐虞褚薛顏柳諸家書集李陽冰  
篆額在三原縣學

此爲道士于元隱所作也諒字子諒眉山人常以宣和中知

京兆府此當卽其時所爲故附于此

新修太史公廟記

靖康改元四月立尹陽撰文焦丙正書在韓城芝山南嶺  
顏魯公奉命帖及畫象跋

靖康元年七月立唐重授并正書在同州府學

重字聖任自署爲朝散郎秘閣修撰知同州軍州事攷重以  
右諫議大夫疏斬蔡京父子遷中書舍人言宰輔當先補外  
爲宰相所惡落職知同州傳不載其爲秘閣修撰當是略也  
是年金兵破晉絳重度不能守閉門縫州人使出自以殘兵  
數百守城金兵疑其有備不渡河而返尋擢天章閣待制卽  
其時事矣後爲京兆府路經略制置使爲金將婁室所攻城  
陷殉節攷欽宗本紀金破晉絳乃是年九月兩月事也婁室

破永興軍乃高宗建炎二年正月事也重在同州繪公圖像  
刻置祠堂是其忠義之氣根于天性觀此圖者不特使真卿  
英靈千載不沫重之氣節亦於是乎可見矣

拱極觀記

靖康元年八月薛存撰文紹興九年中元日立雷道之跋權  
詭正書篆額在華嶽廟

中有云極應如響者卽不應也極與不通

王質劉雍題名

靖康丁未四月刻正書在鄆縣唐定慧禪師碑陰

此卽高宗建炎元年是年四月欽宗北遷五月高宗卽位改  
元

李若水奉命觀稼謁祠記

無號年正書

題云直史館李若水若水以靖康元年爲太學博士改著作佐郎此應其時所刻也傳不著其直史館當是略耳

清浹謁祠記

建炎改元刻正書並在華嶽廟

金龍寺龍骨塔銘

紹興甲子三月立僧修信撰文正書無姓氏游國佐題額在襄城

漢中府新修口記

乾道六年刻正書在襄城東三里烏龍江上

此是修棧中道路所立今俗名堰界石又有嘉定七年刻者

楊從義神道碑

乾道五年三月立袁勃撰文李昌誘正書王椿篆額在城固  
從義字子和以靖康丙午歲應募起隸吳忠烈玠麾下云建  
炎二年八月被圍于同州者謂金將婁室亦作婁宿同取下邽九  
月破同州事也時公在圍中云四年九月我師不利於富平  
者謂金太子宗輔爲副元帥督師陝西九月敗張浚五路兵  
於富平也云紹興改元十月金四太子必欲取和上原先遣  
兵攻神坌以警我師忠烈遣公擊之者謂是年十月玠保和  
上原金將設立自鳳翔烏魯折合自階成出散關約日會和  
上原折合先期至陳北山索戰玠命諸將堅陳待之更戰迭  
休金兵潰散沒立方攻箭括關玠復遣將擊退之會婁室死  
兀术復會諸道兵十餘萬造浮梁跨渭自寶雞連結諸營與

玠兵相拒玠復命諸將以勁弓強努却之先設伏兵於神塗  
以待金兵至大亂縱擊破之是也云三年二月四太子擁大  
軍由商于侵饒風關再攻和上原玠遣公引擊者謂金撒離  
喝分兵攻關統制郭仲敗走金兵入興元經略使劉子羽棄  
城走三泉玠退保仙人關金兵深入旣由褒斜谷還興元玠  
子羽追擊之是也饒風關在今石泉縣西五十里云四年二  
月金兵入殺金平自元帥以下盡室而來示無返意者謂吳  
璘守和上原價餉不繼玠謂其地去蜀遠命棄之于仙人關  
右殺金平劖築一壘移兵守之至是元未撤離喝及劉夔等  
三十萬騎入侵玠與璘及金人轉戰數晝夜不息是也云九  
年金歸我河南侵蜀者謂金以陝西地來歸遣使王倫受地  
是也云十年五月金背盟撤離喝侵陝右公與諸軍會於涇

州回山原七月金據鳳翔八月與金戰于蒲坂河者謂是年  
金兵犯石壁及吳璘與金鶴眼郎君戰撤離喝入邠州胡世  
將遣公及王彥分道搘敗之撤離喝退屯鳳翔九月楊政遣  
公夜襲金兵至十一月又襲之寶雞是也至是公隸楊政軍  
云十一年七月與金戰於陳倉撤離喝再犯和尚原又戰却  
之者謂是年春正月公既敗金兵於渭南攻克隴州與戰於  
寶雞擒金通儉李董是也宋史高宗紀作十月與此小異是  
時和議已成朝廷召政還以商秦之半畀金公亦移守鳳州  
復退保仙人關垂二十年無所事者皆公之力也云三十  
年金主完顏亮遠背盟好者謂是年九月金兵攻黃牛堡爲  
吳璘所敗也云三十二年閏二月公乘勢出攻金兵宵遁者  
謂璘遣公攻拔大散關分兵據和上原金人走寶雞是也蓋

是時始以功真拜和州防禦使賜爵安康郡侯而弃三路之議起璘於是乎班師公於是乎可歸矣公以乾元五年二月卒有子八人女十人子及鐸並爲郎官宋史不立公傳其詳並見高宗本紀及璘玠政等傳因疎出之並見碑刻之爲功於史者不小也

開石門碑陰記

紹熙甲寅四月立晏袤撰文并隸書

碑叙漢鄧君及楊孟文開石門之事文醇雅可觀字亦深得漢人法意宋人隸書中出色者袤臨淄人時爲南鄭縣令

郭公緒題名

嘉定庚午清明前一日刻正書

鮮于中之題名

嘉定三年三月刻隸書並在石門

文曰：際堰山河汎襄水登石門者卽山河堰也。本蕭河所開，曹參繼之以灌溉南鄭褒城兩縣田。後誤蕭河爲山河，其地有曹參廟。宋政和中勅修賜爲山河惠遠侯廟。

靈巖叙別記

嘉定戊寅六月刻李耆請撰文並正書在略陽

其文云：嘉定了五十二月二十有三日，金兵入寇，關表明年正月，四川制置使寶謨閣學士臨川董公居誼進益昌督師利川路安撫節制軍馬直徽猷閣古汴楊公九鼎進屯河池，以三月十七日斬其元帥一統軍七俘獲甚衆。後十日，金以忿兵自天水犯西和，董公進沔陽不戰而退，尋犯大散關，蜀州皆以敗去。是關表接堵如故，楊公還駐沔陽。董公復

駐益州以六月十有四日敘別於靈巖寺幕下士眉山任處厚揚師復祥符李耆壽臨川過椿年李劉晏大正從行會稽虞剛簡眉山成申之寶城楊恢同谷李榮仲俱不及舉酒而別耆壽以承乏郡寄讃書刻之巖石云案宋史寧宗記嘉定十年四月金人分兵圍棗陽光化軍詔江淮制置使李珏京湖制置使趙方措置調遣仍聽便宜行事命四川制置使董居誼酌量緩急便宜行事十二月金鳳翔副都統軍完顏贊以步騎萬人犯四川迫湫池堡破天水軍攻白環堡逼黃牛堡統制劉雄弁大散關遁金人據之十一年二月金人焚大散關而去三月利州統制王逸等率忠義人復皂郊金完顏贊包長壽遁去河州軍郭雄斬贊首包長壽合長安鳳翔之衆復攻皂郊趨西和州河州都統劉昌祖焚西和州遁金人

破西和州復犯大散關抑其事也是時金源多難元運方興  
諸兵出沒無常故勝負亦無定數是記具見當時疆場景狀  
且於以見金之不振焉

星羅寺鐘銘

嘉定甲申二月造兩截上截篆書有四神立像下截銘及題  
名正書在興安州城南純陽宮

哲宗御書忠清粹德之碑額

紹定三年三月立田克悉上石隸題額在略陽

額係元祐戊辰哲宗於崇慶殿篆書蓋司馬光神道碑首也  
詳見宋史本傳克悉摹刻於河州公廨耳篆法精整宋時所  
少見者

光祿主簿蘇舜欽奉禮郎杜詵題名

號年缺正書

王韶詩

號年缺正書並在華嶽廟

韶字子純此作子淳與宋史異案米南宮蕭間堂記亦作純  
此外又有蔡挺題名只姓名二字雙鈎刻之又范宗傑題名  
又長子益恭次子益昌等題名亦未識何人之子又游靖兄  
弟題名又崔黼題名又麻溫舒題名又王嘉欽題名又得閑  
居士祐晟題名又孫昌夏題名皆無年月可攷又有韓庶二  
字小篆書筆法挺勁似是宋人題昌黎事者又有澤山二字  
古篆亦似舊人所書附誌於此

強至等題名

□□丁未十一月刻紀號缺行書

杜常等題名

號年泐隸書並在慈恩寺

常字正甫衛州人昭憲皇后之族孫官至龍圖閣直學士知河陽軍此外又有章諒題名李諷題名李遷題名並正書亦無號年附誌於此

范祐題名

丁丑仲夏刻王彝正書在鄆縣定慧禪師碑之陰

此外又有堅之正叔公亮集之題名正書無號年並不詳其人

乾陵無字碑題字

丁亥清明日刻范益正書在乾州

關中金石記卷第六終